

(Ciep geiz gonq)

Ngoenzlaeng mbwn caengz rongh, maxbang couh gipmuengz ganj roen. Dabsau soengq maxbang ok riengmbanj, maqmuengh gyoengqde bingzan dauqma.

Dabsau ngoenzngoenz muengh bae muengh dauq, gwn mbouj feih, ninz mbouj ndaek. Seizein binaj daeujdaengz lo, doih maxbang neix youh daeujdaengz aen mbanjlueg neix. Hoeng dabsau mbouj raen daegmbauq riengz doih daeuj, roxnyinh geizheih lo, caengz caj dabsau hai bak cam, bouxdaeuz maxbang mbon gagoenh okdaeuj soengqdaug hawj dabsau, lij naeuz: “Gaej caj daegmbauq lo, de bienqsim lo, bi’gvaq daegmbauq daiq maxbang dawz huq daengz Lahsaz, raen dahlwgvuengz maj ndaej gyaunde, sikhak doenghsim hwnjdaeuj, mbouj geij nanz, songde couh guhnde lo, seizneix, de cingq youq gizde yiengfuk ne, ga goenh neix dwg de daengq gou dawz daeuj doiq hawj mwngz.”

sanjvwnz

Ronghndwen Ok-daeuj Ronghsagsag

月亮出来亮汪汪

□ Luz Yuzgangh/陆如刚

Dabsau raemxda doekbyoeb-byoeb dap naeuz: “Mwngz yaeuh gou, gou roxnyinh daegmbauq mbouj dwg cungj vunz neix.”

Bouxdaeuz maxbang mbouj leix-langh dabsau, fad max ganjroen bae de lo.

Bi daihsam seizein, doih maxbang youh byaij daengz aen mbanjlueg neix. Bouxdaeuz maxbang gig gyae couh yawjraen dabsau najsug

he ndwn youq laj goreiz, de sikhak nyinh’ok dah neix dwg dahyoux daegmbauq. Daengz gyawj le, bouxdaeuz maxbang youh doiq de naeuz: “Lan ha, mwngz gaej huk lo, cungj vunz mbouj gangj liengzsim neix baenzlawz cigndaej mwngz bae caj ne? Caiqnaeuz bi’gvaq daegmbauq gvaq Nizbwzj baihde bae le, raen dahlwgvuengz Nizbwzj engq gyaunde, de youh bienqsim lo, seizneix de

cingq youq ndaw ranzvuengz vaiqvvt ne.”

Dabsau raemxdalili han naeuz: “Gou lij ciengzseiz youq ndaw fangzhwnz raen de, roxnyinh ndaw sim de lij miz gou.”

Hoeng mboujguenj dabsau baenzlawz gangj, bouxdaeuz maxbang mbouj wngq de saek coenz, gyoengq vunzdoh hix mbouj miz byawz ngiengx gyauej yawjcoh dabsau, boux riengz boux ngaemgyaeuj cing max byaij henz de gvaqbae.

Bi daihseiq youh daengz lo, mwhhaenx, va’ndoi rim bo, mbwnseuq rumzraeuj. Aen mbanjlueg neix youh “doengdengdoengdeng” yiengj hwnj singlingz maxbang. Siengj mbouj daengz dabsau caeux couh youq laj goreiz deq doih maxbang neix. De gvih youq gyang roen, doq daej doq gouz bouxdaeuz maxbang caemh daiq de hwnjroen, dabsau naeuz de lij ciengzseiz loq raen daegmbauq youq aen lueg gyae he caj de ne!

(caengz sat)

Lanz Naxsoengq

拦伴娘

□ Faogh Swluoz/方仕伦

(ciep geiz gonq)

Sai:Ndaej rox nax ndang mbaeu, Nyaenx song raeuz cix angq; Gou daegdog vunzlangh, Muengh naxgyangh(gyaunde) ma riengz.

Gaeqboux gyang mbanj langh, Raen duzhangh cix ngaue; Ndaej rox nax ndang mbaeu, Nyaenx song raeuz cix angq.

Daekmax gyaq gwnznga, Muengh aengya byoeg dangh; Gou daegdog vunzlangh, Muengh naxgyangh ma riengz.

Mbwk: Neix song raeuz ndangnde, Deb mbouj reuz aenmoq; Miz byaek cix aeu coq,

Siengj guh boh cix naeuz.

Va’ngaex caengz byawz hah, Nohsae ngah cix deu; Neix song raeuz ndangnde, Deb mbouj reuz aenmoq.

Byaek cix gwn singisien, Dukgaeuz yien guh soh; Miz byaek cix aeu coq, Siengj guh boh cix naeuz.

Sai:Raeuz gangj vah haeujhing, Mae ndaej cim guhdoi; Roegraeu nomj baenz doiq, Duzfungh boiq duzvuengz.

Boux ciengq boux cix dap, Bauh faex gyap cix mbin; Raeuz gangj vah haeujhing,



Angq Eu Fwen

Dahnaz ingj

Mae ndaej cim guhdoi;

Caeuq nax ndaej caemhdin, Gyang haemh ninz yax noix; Roegraeu nomj baenz doiq, Duzfungh boiq duzvuengz.

Mbwk:Raeuz ciengq beij baenz cingz, Dujva nding vunz ngaq; Nengzgengz riengz daekdaeq, Baenz bohmaex couh ndei.

Boux ciengq boux youh maengx, Sing mbouj daengx mbouj dingz; Raeuz ciengq beij baenz cingz, Dujva nding vunz ngaq.

Ngoenzlaeng raeuz doxbungz, Coih aenrungz duzgae; Nengzgengz riengz daekdaeq, Baenz bohmaex couh ndei.

(sat)

Bi 1962 ndwen 3, youq gwnz hoih Swcigih Dangjveij It Gaiq Cib’it Mbat Cienzhoh, Veiz Gozcingh youh caensim dwk doiq doengh boux dungzci deng loeng cawjfaenh haenx boizlaex. De naeuz: “Raeuz youq bi 1959 fanjdoiq ‘yougingh’ seiz sienghaih le bouhfaenh ganbu bonjlaiz mbouj wnggai deng sienghaih haenx, cujyau youz Gih Dangjveij dawz cwzyin, dou fucwz gaijingq. Ngoenzneix gyoengq dungzci naengh youq gizneix, miz mbanj vunz deng bihbingz roxnaeuz cawjfaenh. Fanzdwg guh loeng, dou cungj dawzsiu bae, gyonj loeng couh gyonj dawzsiu, loeng mbanj ndeu couh dawzsiu mbanj ndeu. Dawzsiu cawjfaenh liux le, raeuz baenaj lij yaek aeu doxgiet, vih saehnieb dangj raeuz haenqrengz guh

hong.”

Ginggvaq cazseuq bingzfanj, haujlai ganbu, dangjyenz engqgya roxnyinh daengz dangj dwg genhciz caenleix, coihcingq loengloek, dwg ciuq saehsaed guh saeh gangj vah, neix diuhdoengh le gyoengq dangjyenz caeuq ganbu haengjheiq hwnjdaeuj guh hong. Gij cienzdoengj ndei dangj raeuz hix engq ndaej hoizfuk yamq ndeu.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Guengjsae youq bi 1958 youq ndaw “fanj yougingh boujgoq” seiz dawz Cinz Caili (Swngjveij cangzveij, fuswngjicangj), Vangz Mungcouh (Swngjveij veijyenz, Swngjveij Cujcizbu buchangj), Loz mingz (Swngjveij veijyenz, Swngjveij Senhconzbu buchangj), Liu Yenz (Swngjveij veijyenz, Swngjveij Caizmoubu buchangj), Vangz Hau (Swngjveij veijyenz, Swngjveij

Vwnzgyaebu buchangj), Liu Lenzyenz (Swngjveij houbuj veijyenz, Swngj Binghyigiz gizcangj) daengj roek vunz baen haeuj “youbai cizdonz”, haicawz dangciz caeuq dawzsiu ndaw dangj rog dangj daengx yiengh cizvu. Veiz Gozcingh caeuq mbanj lingjdauj dungzci nyinhnaeuz, doiq gyoengqde veh loeng lo.

(caengz sat)